

आकाशवाणी

खबरां प्रोमिला जम्वाल कोला

- राष्ट्रपति द्रौपदी मुर्मू होरें पुर्तगाल कन्नै दक्खिया सरबंध तगड़े करने लेई महत्वै आहलियां मीटिंगां लाइयां।
- प्रधानमंत्री नरेंद्र मोदी होरें मुद्रा योजना दे लाहकारिएं गी मुबारकबाद दिक्ती-आखेआ स्कीम नै सुखनें गी सच करी दस्सेआ ऐ।
- प्रधानमंत्री मोदी होरें अज्ज नमीं दिल्ली च दुबई दे शहजादे कन्नै गल्लकत्थ कीती। भारत संयुक्त अरब-अमीरात दे सरबंध तगड़ा करने पर पाया जोरा।
- गृह मंत्री अमित शाह होरें श्रीनगर च दो उच्ची सतह दियां मीटिंगां लाइयां, जम्मू-कश्मीर दिएं विकास परियोजनाएं ते सुरक्षा स्थिति दा लेआ जायजा।
- जम्मू-कश्मीर च 3 होर संगठनें अपने आपै गी हुरियत थमां बक्ख करी लेआ ऐ, गृह मंत्री अमित शाह होरें इस कदम दा सोआगत कीता।
- 2008 बरे आहले सीरियल बम धमाकें च जयपुर दी इक अदालतै 4 आतंकवादिएं गी उम्र कैद दी सजा सुनाई ऐ।

<><><><><><>

President-Portugal

राष्ट्रपति द्रौपदी मुर्मू पुर्तगाल ते स्लोवाकिया दी जात्तरा पर ना। अज्ज भारत पुर्तगाल बश्कार डेलीगेशन सतह दी गल्लबात होई। पुर्तगाल दौरे दे अपने दुए ते अखीरी दिन राष्ट्रपति द्रौपदी मुर्मू होरें पुर्तगाल असेंबली दे स्पीकर जोस पेद्रो एगियार ब्रैंको हुंदे नै मीटिंग लाई। राष्ट्रपति मुर्मू होरें असेंबली च गार्ड ऑफ ऑनर दी सलामी लैती। राष्ट्रपति होरें पुर्तगाल असेंबली दे स्पीकर हुंदे नै सार्थक गल्लकत्थ कीती। दौनें धड़ें दक्खिया सरबंधत मजबूत करने दे हीले पर चर्चा कीती। राष्ट्रपति

मुर्मू होरें संसद सदस्यें कन्नै बी गल्लबात कीती। एहदे अलावा उनें भारत पुर्तगाल संसदीय मित्री ग्रुप दे मिम्बरें कन्नै बी गल्ल कीती।

<><><><><><>

PM Mudra Yojana

अप्रैल 2015 च शुरू कीती गेदी प्रधानमंत्री मुद्रा योजना नै अज्ज दस बरे पूरे करी लैते ना। इस योजना दे 10 बरे पूरे होने पर अज्ज प्रधानमंत्री नरेंद्र मोदी होरें अपने आवास पर योजना दे लाभार्थियें कन्नै गल्लबात कीती। श्री मोदी होरें लाभार्थियें गी मुबारक दिंदे होई इस गल्लै पर जोर दित्ता जे कियां इस योजना नै सुखने गी हकीकत च बदली दित्ता ऐ। उनें दस्सेआ जे 33 लक्ख करोड़ रपे कोला मते पैहे गी बगैर कुसै गारंटी दे बंडेआ गेआ ऐ। प्रधानमंत्री होरें नौजवानें गी नौकरी तुप्पने आहलें दे बजाय आत्मनिर्भर रोजगार पैदा करने आहलें च तब्दील करने च योजना दी भूमिका पर बी जोर दित्ता।

<><><><><><>

PM-Dubai

दुबई दे शहजादे शेख हमदान बिन मोहम्मद अल मकतूम होरें अज्ज नमीं दिल्ली च प्रधानमंत्री नरेंद्र मोदी हुंदे कन्नै मुलाकात कीती। शहजादे अल मकतूम संयुक्त अरब अमीरात दे उपप्रधानमंत्री ते रक्षा मंत्री बी हैन। इक सोशल मीडिया पोस्ट च प्रधानमंत्री होरें आखेआ जे भारत ते संयुक्त अरब अमीरात बश्कार व्यापक रणनीतिक सांझेदारी गी तगडा करने च दुबई नै अहम भूमिका निभाई ऐ। उनें आखेआ जे दुबई दे शहजादे हुंदी एह जात्तरा भारत ते संयुक्त अरब अमीरात बश्कार डूंगी मित्री दा सबूत दिंदे होई भविक्ख च होर बेहतर रिश्तें लेई बत्त पदरी करदी ऐ। एहदे शा पैहले दुबई दे शहजादे नै विदेश मंत्री सुब्रहमण्यम जयशंकर ते रक्षा मंत्री राजनाथ सिंह हुंदे नै बी गल्लकत्थ कीती। अपनी इक सोशल मीडिया पोस्ट च जयशंकर होरें दौनें देशें मझाटै व्यापक सहयोग ते जीवंत सरबंधें दे बारै च दुबई दे शहजादे हुंदी सकारात्मक भावनाएं दी सराहना कीती। रक्षा मंत्री राजनाथ सिंह होरें शहजादे कन्नै बैठक गी बडा सकारात्मक दस्सेआ ते आखेआ जे संयुक्त अरब अमीरात कन्नै व्यापक रणनीतिक सांझ भारत दी प्राथमिकता ऐ। उनें आखेआ जे औने आहले बरें च भारत संयुक्त अरब अमीरात कन्नै रक्षा,

उत्पादन, विकास परियोजनाएं, नमिं काडुं ते प्रौद्योगिकी जनेहू खेत्तरें च रलियै कम्म करने दी तांग रखदा ऐ। दुबई दे शहजादे अज्ज बडुलै नमीं दिल्ली पुज्जे हे। शहजादे दे रूपै च एहू उंदा पैहला सरकारी दौरा ऐ।



Hardeep-Puri

पेट्रोलियम ते कुदरती गैस मंत्री हरदीप सिंह पुरी होरें अमरीकी शुल्क दे परते च सौहगे होइयै विश्लेषण करने दा आह्वान कीता ऐ। अज्ज नमीं दिल्ली च संवाददाताएं कन्नै गल्लबात च श्री पुरी होरें आखेआ जे जल्दबाजी च कोई बी निर्णय लैने शा पैहले टैरिफ सरंबधी घटनाक्रम दा विश्लेषण कीता जाना चाहिदा। उनें इस गल्लै पर जोर पाया जे टैरिफ लाने दे केई मकसद होंदे न ते उन्दे बक्ख-बक्ख प्रभाव होई सकदे न-इस लेई इंदे बारै च बड़ी मती सतर्कता ते समझदारी कन्नै विचार करने दी जरूरत ऐ। उनें भरोसा दोआया जे वाणिज्य मंत्रालय स्थिति दा सक्रियता कन्नै परीक्षण करा'रदा ऐ।



HM-Meetings

केंद्री गृह मंत्री अमित शाह होरें अज्ज राजभवन श्रीनगर च इक्क उच्चै सतह दी बैठक दी अध्यक्षता करदे होई जम्मू-कश्मीर च जारी बक्ख-बक्ख विकास परियोजनाएं दी प्रगति ते रफ्तार दा जायजा लैता। बैठका च उपराज्यपाल मनोज सिन्हा ते मुखमंत्री उमर अब्दुल्ला होर बी मौजूद हे। उन्दे अलावा केंद्र सरकार ते प्रदेश प्रशासन दे केई सीनियर अफसरें बी इस बैठका च शिरकत कीती। गृह मंत्री होरें जम्मू-कश्मीर प्रशासन गी चेचे तौरा पर आखेआ कि ढांचागत विकास, सैलसफा गी बढावा देने, प्रदेश दे दूर-दरेडे इलाकें तोड़ी सखल्ली पुज्ज लेई राबता ते कल्याणकारी स्कीमें दी असरदार अमलावरी गी यकीनी बनाने बक्खी चेचा ध्यान दिता जा। उनें जम्मू-कश्मीर दे सामे ते पूरे-पराते विकास गितै केंद्र सरकार दे धेइयै गी फी पक्का कीता। गृह मंत्री होरें जम्मू-कश्मीर दे सुरक्षा हालात

बारै बी इक बैठक दी बी अध्यक्षता कीती। एहदे कन्नोकन्नी उनें इस बरे 3 जुलाई गी शुरू होआ करदी श्री अमरनाथ जी दी सलाना जात्तरा गितै तैयारिएं ते सुरक्षा बंदोबस्तें दी बी समीक्षा कीती।

<><><><><><>

HM-J&K Hurriyat Groups

जम्मू-कश्मीर च 3 होर संगठनें अलगाववादी हर्रियत कांफ्रेंस थमां अपने आपै गी बक्ख करी लैता ऐ। इनें संगठनें च जम्मू-कश्मीर इस्लामिक पालिटीकल पार्टी, जम्मू ते कश्मीर मुस्लिम डेमोक्रेटिक लीग ते कश्मीर फ्रीडम फ्रंट शामिल ना। इक्क सोशल मीडिया पोस्ट च केंद्री गृह मंत्री अमित शाह होरें इस गें दा सुआगत कीता। उनें आखेआ जे एहू भारत दे संविधान च लोके दे भरोसे गी मजबूत रूपै कन्नै दर्शादा ऐ। हुनै तगर 11 संगठनें अलगाववाद कोला अपने आपै गी दूर करी लैता ऐ।

<><><><><><>

JK Mudra

प्रधानमंत्री मुद्रा योजना दा जम्मू-कश्मीर च इक महत्वपूर्ण असर पेआ ऐ। इस योजना च कीते गेदे कर्ज वितरण च जम्मू-कश्मीर बाकी सब्भनें केंद्र शासित प्रदेशें कोलां अगगे ऐ। एहू योजना भलेआं लौहके ते लौहके उद्यमें गी 20 लक्ख रपे तगर दे गारंटी मुक्त कर्ज प्रदान करदी ऐ जेदे कन्नै उद्यमी विकास गी बढ़ावा मिलदा ऐ।

<><><><><><>

NIA-Goldy Bar

राष्ट्रीय अन्वेषण एजेंसी-एन.ए नै अज्ज हरियाणा ते उत्तर प्रदेश च बब्बर खालसा कन्नै जुडे दे अंतरराष्ट्रीय आतंकी सतिंद्रजीत उर्फ गोल्डी बरार कन्नै सरबंधत केइएं ठकानें पर छानबीन कीती। एनआईए नै वदेश च रवा रदे गोल्डी बरार ते अमरीकी गैंगस्टर रणदीप मलिक कन्नै जुडे दे संदिग्ध ठकानें पर व्यापक छापेमारी कीती। एहू मामला गुरुग्राम च दिसंबर 2024 च वेयरहाउस क्लब ते

ह्यूमन क्लब च ग्रनेड हमलें कन्नै सरबंधत ऐ। छापेमारी दौरान दौनें राज्यें दे बक्ख-बक्ख जिलें च 8एं ठकानें थमां केई इलेक्ट्रानिक ते दुई संदिग्ध सामग्री बरामद कीती गई। ग्रनेड हमले दे पूरे षडयंत्र दी जांच लेई एनआईए इस सामग्री दी जांच करा'रदी ऐ। एह पता लाने दी कोशिश कीती जा'रदी ऐ जे हमले च शामिल आरोपी थमां जब्त कीते गेदे हथियार, गोला-बरूद ते धमाकेखेज सामग्री कुत्थुआं आई ही।

<><><><><><>

Shivraj

राई-बाई ते करसान कल्याण मंत्री शिवराज सिंह चौहान ते इस्राइल दे राईबाई मैहकमे दे मंत्री अवी दिखतेर हुंदे कन्नै अज्ज नमीं दिल्ली च कृषि सरबंधी दक्ख्या सहयोग कन्नै सरबंधत समझौतें पर दस्तखत कीते। श्री चौहान होरें बैठक गी संबोधित करदे होई आखेआ जे भारत ते इस्राइल बश्कार दक्ख्या सांझ खरी चाल्ली अगगै बध रदी ऐ। उनें दस्सेआ जे दमैं राई-बाई, नमिएं काहुं, जल ते प्रौद्योगिकी दे खेत्तर च इक-दुए गी पूरा सहयोग करा'रदे न। उनें आखेआ जे प्रधानमंत्री नरेंद्र मोदी हुंदे नेतृत्व च लौहके करसानें लेई खेतीबाड़ी गी मता-मता मुनाफे आहला बनाने दियां कोशिशं कीतियां जा'रदियां न। संवाददाताएं कन्नै गल्ल करदे होई श्री चौहान होरें आखेआ जे बैठक दौरान औने आहले बरें च खाद्य सुरक्षा दिएं चुनौतिएं कन्नै निब्बड़ने दिएं रणनीतिएं बारै सार्थक चर्चा होई। उनें दस्सेआ जे घट्ट करने आहले बीएं गी विकसित करने पर ध्यान केंद्रित कीता गेआ जेदे नै बधदे तापमान दे बावजूद बद्दोबद्द फसल यकीनी कीती जाई सकै।

<><><><><><>

Ukraine

यूक्रेन इस हफ्तै अमरीका च अपने 2 वार्ताकारें गी भेजने दी योजना बना'रदा ऐ जेदे नै साशिंगटन गी यूक्रेन दे दुर्लभ खनिज भंडार तगर पुज्ज बनाने लेई प्रस्तावित सौदे पर चर्चा कीती जाई सकै।

राश्ट्रपति डोनाल्ड ट्रम्प नै रूस कन्नै यूक्रेन दे संघर्ष च यूक्रेन दी मदद इस्सै सूरती अगगै बी करने दी शर्त रक्खी दी ऐ जेकर ओहू अमरीका गी अपने दुर्लभ खनिज पदार्थे दे भंडार तगर पुज्ज बनान देगा।

<><><><><><>

Rajasthan-Court

जयपुर च 17 बरे पैहले होए दे सीरियल बम धमाके दे मामले च दोषी पाए गेदे 4 आतंकवादिएं गी अज्ज वशेष अदालत जै उम्र कैद दी सजा सुनाई। अदालत सैफुरहमान, मोहम्मद सैफ, मोहम्मद सरवर आजमी ते शाहवाज अहमद गी इस मामले च 4 अप्रैल गी दोषी ठहराया हा। चेत्ता होग जे 13 मई 2008 गी जयपुर दे चार दीवारी इलाके च 8 बम धमाके होए हे जेदे च 71 लोक मारे गे हे ते 185 जखमी होए हे। बम चांदपोल बजारै च लब्ध हा जिसे नकारा करी दित्ता गेआ।

<><><><><><>

China-US Tarrif Response

अमरीकी राश्ट्रपति डोनाल्ड ट्रम्प हुंदे आसेआ चीनी समेयान पर बादू 50 प्रतिशत टैरिफ लाने दी चेतावनी मगरा चीन नै सख्त प्रतिक्रिया प्रगट कीती ऐ। चीन दे वाणिज्य मंत्रालय नै आखेआ ऐ जे ओहू अमरीका दी ब्लैक मेल करने आहली रणनीति गी कदे स्वीकार नेई करोग, जेकर मजूदा टैरिफ लागू कीता जंदा ऐ तां नमें शुल्क मूजब चीन थमां किश आयातें पर कुल शुल्क दा बोझ 104 प्रतिशत तगर होई सकदा ऐ। ताई, चीन दे स्वामित्व आलियां कंपनियां बजारें दा समर्थन करने लेई अगगे आवा रदियां न।

<><><><><><>

VS-Airstrikes

अमरीकी सेना नै अज्ज उत्तरी यमन च हौथी ठकानें गी नशाना बनाइयै 22 ब्हाई हमले कीते जेदे च राजधानी सना, कामरान द्वीप ते तेलै आहले मारिब प्रांतै दे कन्नै लगदे इलाके बी शामिल न। अजें तगर

कुसै दे मारे जाने दी खबर नेई ऐ। एहू हमला सना च अमरीकी हवाई हमलें दे इक दिन मगरा होआ ऐ जेदे च 4 बच्चे मारे गे हे ते 25 होर घायल होई गे हे।

<><><><><><>

No Confidence Motion

जम्मू-कश्मीर विधानसभा च विरोधी पार्टियों जिंदे च पीपल्स डेमोक्रेटिक पार्टी-पीडीपी ते पीपल्स कांफ्रेंस बी शामिल न, अज्ज स्पीकर अब्दुल रहीम राथर हुंदे खलाफ अविश्वास प्रस्ताव जमा कराया। एहू अविश्वास प्रस्ताव स्पीकर हुंदे आसेआ वक्फ संशोधन बिल 2025 पर चर्चा करोआने दी मंग गी खारज कीते जाने गी लेइयै जमा कराया गेआ ऐ। विरोधी धड़ें दा दावा ऐ जे स्पीकर हुंदे इस फैसले कन्नै बड्डे पैमाने पर रौह-रौस्सा फैली गेआ ऐ। आकाशवाणी दे जम्मू संवाददाता नै जानकारी दिती ऐ जे प्रस्ताव पीपल्स कांफ्रेंस दे अध्यक्ष सज्जाद लोन होरें जमा कराया जिस्सलै जे पीडीपी दे विधायकें जिंदे च वहीद उर रहमान पर्रा, मीर मोहम्मद फैयाज ते रफीक अहमद नाइक बी उन्दे कन्नै हे। दायर इस प्रस्ताव अर्जी च स्पीकर होरें गी हटाए जाने दी मंग कीती गेदी ऐ, इस बिनाह पर जे उनें स्थगन प्रस्ताव पर चर्चा कराने दी मंग गी खारिज कीता ते विरोधी पार्टिं आसेआ आंदे गेदे प्रस्ताव गी स्पीकर करने शा ना करी दिती।

<><><><><><>

Waqf-LA

पी.डी.पी विधायक वहीद उर रहमान पर्रा होरें गी वक्फ संशोधन अधिनियम दे खलाफ नमें प्रस्ताव दी मंग चुक्कने परैंत अजज विधानसभा शा बाहर करी दिता गेआ। आकाशवाणी दे जम्मू संवाददाता दी रिपोर्ट मूजब विधानसभा च वक्फ मुद्दे पर लगातार दुए ध्याडे हंगामा होआ जेदे चलदे स्पीकर अब्दुल रहीम राथर होरें सदन दी कार्रवाई दो बारी स्थगित करी दिती। स्पीकर होरें वक्फ संशोधन कनून पर चर्चा करने आस्तै स्थगन प्रस्ताव गी खारिज करने दे अपने फैसले दा घड़ी-घड़ी बचाऽ करदे होई आखेआ जे संसद आसेआ पैहलें शा गै कीते गेदे फैसले गी रद्द करना मुमकन नेई ऐ।



Nathatop Climate Centre

हिमालयाई खेत्तर च इक कुल संसारी सतह दी पैहल दे तौरा पर केंद्री विज्ञान मंत्री डॉ. जितेंद्र सिंह होरें अज्ज उधमपुर जिले दी चनैनी इलाके दी नत्थाटॉप थाहर उच्चाई आहले इलाके दे पैहले-पैहले जलवायु केंद्र दी शुरूआत कीती। इस पैहल दा मकसद मती उच्चाई आहले इलाके च अध्ययन ते अनुसंधान दे कन्नोकत्री मौसम दे बारै च सटीक जानकारी उपलब्ध कराना ऐ।

